

錢塘遺事卷之十

武陵 劉一清 編

赴省登科五榮須知

兩觀天顏一榮也臚傳天陛二榮也御宴賜花都人  
嘆美三榮也布衣而入綠袍而出四榮也親老有喜  
足慰倚門之望五榮也

省試

正月二十五日午間鎖院

至晚宣押省試官入院

試前一日省試院引保或不用親臨只貢之書鋪

錢塘遺事卷十

一

書鋪納卷鋪例五千自裝界卷子與之或只二  
千無定價過此無害也

宗子又有一宗文字頗多非四千不可特奏名  
納卷亦三千

二月初一初二初三日引試詩賦人

初五初六初七日引試經義人

初九初十十一日引試宗室鎖廳應舉人

別試所則又遲經義場一日乃初六初七初八  
日也

十三十四日引試取應宗子

混經賦爲一場

省試案子不得以方州移動

挾書傳義皆所不可

卷中自有第幾幕印子收納士人自書治經鄉貫姓名押字于厯上若昏黑厯子收去無厯可書大有利害

### 御試給號

試前數日書鋪告報士人請號

納卷鋪例五千因鋪

家卷子兼得御試須知一本

禮部給正奏注進士號

次日給特奏名及四川進士三色宗子號書鋪知委體例二百錢與之索添不過三百請號之日士人天

### 錢塘遺事卷十

二

未明到書鋪黎明而裯幙入都書鋪引入尙書宰執據案坐于庭中設桌子及厯于吏部依省榜次第喚姓名而前逐人自書姓名押字于厯記則得號一枚吏旣與之號則唱而戒之日牢收號入殿不得唐突號以白紙半片爲之有字數行尙書侍郎郎中皆銜押字及有中官某人監集英殿門試日以其號照入殿門一失其號則不得入矣

### 丹墀對策

廷試之日士人由和窻門入徐行執號樂衛士收數成行而入至集英殿門外中官展視而收之殿外掛

混圖于露天甚高良久天大明了然分明知位次士人聚于殿門外待百官常朝畢方引士人進拜列于殿下宰臣進題上覽焉天子臨軒天顏可瞻起居贊曰省元某人以下躬拜再拜又躬身而退各依坐圖行列而坐每位有牌一枚長三尺冪以白紙已書某人某鄉貫或東西廊第幾人不得移動及污損坐定中官行散御題士人皆以御題錄于卷頭草紙上以黃紗袋子垂繫于頂上若有損污謂之不恭納卷所不收受散題後駕已興入內進膳賜食于士子

太學饅頭一枚

羊肉泡飯一盞

錢塘遺事卷十

三

食畢不見賜謝恩或要登東作旋則抱牌捲卷子而往衛士相引而出亦不甚遠既坐而試不得與隣座說話中官從官雜處董之宰執巡行至申時天子復臨軒納卷子于殿廷東廡階下之幕中一中官監視收其牌及御題卷子亦不容人臨時于納處展視若至昏時則見有傳者云已不在黃甲矣士人每出一門必書姓名于門東歷四門皆書姓名押字出時無號無人押行亦不待人齊出

擇日唱第

皇帝御集英殿唱名非有他殿只掛集英殿牌于殿

前特奏唱名則于數日之後先唱名數日書鋪又告報請號禮部又散號一如廷試給號之禮又得號視之乃前日所收之舊號也但于其上用紅印書入集英殿試訖中官姓名押小字一行耳仍戒曰牢收號入殿不得唐突書鋪告報之人又有所求先量支少金與之不待開口

唱名之日亦由和窰門而入身襴袍而足亦穿靴列行舉號數人收號一如廷試之日候常朝畢贊者引入廷下再拜

皇帝臨軒宰臣進三名卷子讀于御案前用牙篋點

錢塘遺事卷十

四

讀畢宰執拱立列于上前閤門立于御案之西向宰執先于御案前拆視姓名則曰某人閤門則承之以傳于階下衛士凡六七人皆齊其聲傳其名而呼之謂之臚傳亦謂遶殿雷也凡呼而唱者三四聲士人方從眾中出應衛士夾而翼之問以鄉貫父名翼至廷下對玉墀直躬未拜廷上問以鄉貫父名衛士則以對對畢過軒下少立就甲入次其榮在此也非特名登天府先代祖父之名達于聖聽矣待一甲畢則往兩廊角取勅黃而執之甲內人齊則廷上呼謝恩士人廷下立躬身再拜而退立于軒下狀元則便獨

班謝恩不待甲內齊也自第二名第三名爲一班便賜食相身爲袍各設位賦詩以答皇恩第四名至第十名終爲一班第二甲全甲爲一班謝恩了皆手執勅黃而立勅黃用麻紙兩副連粘太書某人等宜唱某等科第

狀元至第二甲終皆曰宜賜進士及第

第三甲第四甲終皆曰宜賜進士出身

第五甲則曰宜賜同進士出身

勅黃可漏子又長于勅黃一尺唱第二甲盡駕輿入內進膳須臾賜進士食三品

錢塘遺事卷十

五

赤焦肉餅二枚

天花餅二枚

只是素餅

羊肉飯一盃

并羊羹飯內有盪粉皆三品併至

上方起衛士已將下三甲名字來排當士人兩衛士管一紙一紙書十五人名字皆先自喚集排當資次仍問鄉貫父名審畢候上復出殿上一呼某人則衛士已夾其人而進于前駢貫而進亦候一甲齊方拜謝恩授黃勅有恩例陞甲人則當殿上宣示上旨某人人有某恩合陞一甲末所以方走唱名之人雖有恩例亦不可自陞甲蓋陞甲人面授上旨當殿謝恩故也若無陞甲恩之人不入赴唱名傳者曰待二年后

方許到卻唱至第五甲上亦入少憩頃之傳出唱  
第五甲畢士人皆執勅黃再拜殿上傳曰賜進士袍  
笏袍笏積于殿外之兩南廡下士人出殿門于上廊  
爭取之往往皆不暇脫白襪而便就加綠袍于其上  
其所賜

淡黃絹衫一領

袖如綠袍之寬大

淡黃絹帶一條

綠羅公服一領

笏一面

士人披衫繫帶未畢則殿上催謝恩謝恩罷拜而出  
紫綠相間環堵可觀紫袍牙笏以取左宗子拜所賜

錢塘遺事卷十

六

也擁而趨出門頭亦不待書名字蓋前日秀才今日  
官人五榮之中此屬其最唱名時不可一聞姓名遽  
然而出尤當詳緩之爲佳唱畢旣出至大門外人備  
車馬以須其出者十有五六若自有車馬雖不用支  
散然羣不逞隨之呵殿元者數十爲隊所費亦不貲  
不若只行出內門前茶店中待其人散徐行歸耳狀  
元榜眼探花須皆上馬蓋臨安府自備馬以待之也

置狀元局

狀元一出都人爭看如麻第二第三名亦呼狀元是  
日迎出便入局局以別試所爲之謂之三狀元局中

謂之期集所大魁入局便差局中職事一一由狀元點差牒請

糾彈 牋表 小錄 掌儀 客司

計掌器 掌酒果 監門

多者至五六十員少者亦不下四十員視事官送牒例皆二十初第人多喜入局得陪侍三狀元與諸同年欵密他日仕途相遇便爲傾蓋常例五日一會食否則日中有酒杯點心果子二色局中職事官雖多入局而食者常半之食罷出入無妨三狀元常宿于局中不可出宿于外月餘而罷局凡預局中執職事

錢塘遺事卷十

七

官員納小錄題名錢非職事官須納錢五千而後得小錄題名一本

狀元入局之初依全賜錢一千七百貫及諸公納到助小錄錢亦一千三百貫有奇

三狀元入局五日職事官入局局中以職事官名申臺部十日後正謝

正謝日係太史臺擇日亦謂之門謝禮用牋表皇帝及東宮牒表隔日計會閤門通進表中止用三狀元名銜正特奏同日而謝是日亦由和盜門而人在常朝殿門外北面天顏贊者引唱

躬拜再拜而退門外有立仗馬及衛士等衛士  
唱喏畢馬退士人方列班而拜拜君之門而已  
越二日拜黃甲于貢院

黃甲者由省中降下唱名既畢省中以其所陞  
甲之人附於甲末用黃紙以書之故謂之黃甲  
是日貢院設香案於廷下狀元引五甲內士人  
拜香案禮部亦遣官來贊導置黃於案上望闕  
拜拜畢士人列兩廊四十以上東廊四十以下  
西廊其日擇一人最年高者上堂大魁拜之年  
高者答拜又擇一人最少者上堂拜大魁大魁  
亦答拜而退吏人以紙筆請各書姓名依黃甲  
排次匠者鐫於題名石是日謂之敘同年拜黃  
甲也特奏不得與焉

越四五日鄉人之官於朝者爲鄉會以待鄉中之新  
第者

越三日赴國子監謁謝先聖先師祭前三日狀元點  
差職事官十四員

監禮官彈壓職事之不恭者  
奉禮官跪於先聖先師座前奉幣進之於獻官  
大官酌酒以進之於上三獻官

太祝讀祝

分獻官十員分獻於十哲及兩廊賢人一人分獻五位每位皆三拜搯笏興伏拜起皆贊者導之禮畢而班退贊者皆大常寺差來

越三日局中職事官下湖運司做二大舟局中連三狀元凡七八十人分坐於兩舟酒數行借張侯之眞珠園散步侯家亦有餽焉其例也薄暮艤舟於玉壺園而竟席

書舖告示越十日引正奏名黃甲士人射

上自按試於講武殿

錢塘遺事卷十

九

次日賜聞喜宴於貢院齊而後押宴官率官屬及進士列拜於廷下面闕設香案侍從及貼職官皆與焉凡拜五舞蹈其節有四共十拜也拜訖正奏各坐於東廊特奏各坐於西廊立亦如之

小黑桌子 坐則青墊 果子人各四器

望果一器 望花一朵 醯醢列於前

初坐先斟酒三行不下食第三酌下鮮鮓一碟第四第五皆有食以配酒五行而中歇

人賜宮花四朵簪於幞頭上 花以羅帛爲之 從人下

吏皆得賜花又有例賜冰再坐分與士人又到班亭

下再拜謝花簪而謝之兼坐帶花又四盃而竟席前筵羊半體七寶頭羹並皆奇品

初坐則以銀臺盞酌 再坐則易以銀卮

共九行而飯則粟米爲之畢宴不用謝恩退皆簪花乘馬而歸都人皆避以赴御宴回也

次日局中自用錢作期集所會遵前例也亦七盃正奏名皆赴焉亦就貢院爲之

越十日集註

是日天拂曉袍笏書鋪引入部前數日部中先榜於闕亭書鋪錄示新第人先擇其願授者而

錢塘遺事卷十

十

書於笏及入部郎中坐庭中以殿榜資次而呼前廷上唱曰某人官人上階揖問曰願受甚處闕對郎中視簿合受則揖廡下書簿中某人願授某州某官闕而退三狀元皆送闕不與集註

告勅一道 印紙一軸

信符一道 門謝關子一道

常例皆賜御寫經書一軸或賜御製詩一首臨安府鑄碑表

裝賜宴時以分賜士人

錢塘遺事卷十畢